

萬有文庫

編主五雲王
種百七集二第

十駕齋養新錄

(一)

錢大昕撰

商賈

十駕齋養新錄

(一)

大錢昕撰

國學基本叢書

萬有文庫

種百七集二第

王雲五編纂者

商務印書館發行

十駕齋養新錄序

學術盛衰。當於百年前後論升降焉。元初學者。不能學唐宋儒者之難。惟以空言高論。易立名者爲事。其流至於明初五經大全易極矣。中葉以後。學者漸務於難。然能者尙少。我朝開國。鴻儒碩學接踵而出。乃遠過乎千百年以前。乾隆中。學者更習而精之。可謂難矣。可謂盛矣。國初以來。諸儒或言道德。或言經術。或言史學。或言天學。或言地理。或言文字音韻。或言金石詩文。專精者固多。兼擅者尙少。惟嘉定錢辛楣先生。能兼其成。由今言之。蓋有九難。先生講學上書房。歸里甚早。人倫師表。履蹈粹然。此人所難能一也。先生深於道德性情之理。持論必執其中。寔事必求其是。此人所難能二也。先生潛擘經學。傳注疏義。無不洞徹原委。此人所難能三也。先生於正史雜史。無不討尋。訂千年未正之謬。此人所難能四也。先生精通天算。三統上下。無不推而明之。此人所難能五也。先生校正地志。於天下古今沿革分合。無不考而明之。此人所難能六也。先生於六書音韻。觀其會通。得古人聲音文字之本。此人所難能七也。先生於金石。無不編錄。於官制史事。攷核尤精。此人所難能八也。先生詩古文詞。及其早歲。久已主盟壇坫。冠冕館閣。此人所難能九也。合此九難。求之百載。歸於嘉定。孰不云然。元嘗服膺曾子十篇矣。曾子曰。難者弗辟。易者弗從。故聖賢所能。必爲至難。若立一說。標一旨。卽名爲大儒。恐古聖賢不若是之易也。先生所著書。若

廿二史攷異、通鑑注辯、元史藝文志、三統術衍、金石跋尾、潛研堂文集、久爲海內學者所讀矣。別有十駕齋養新錄廿卷，乃隨筆札記經史諸義之書，學者必欲得而讀之，乞刻於版。凡此所著，皆精確中正之論，卽瑣言剩義，非貫通原本者不能譬之折杖一枝，非鄧林之大不能有也。噫嘻難矣。元於先生之學，未能少測涯岸，僅就所自見者，於百年前後，約舉九難之義，爲後之史官傳大儒者略述之。

嘉慶九年歲次甲子小雪日揚州後學阮元謹序。

自序

芭蕉心盡展新枝。新卷新心暗已隨。願學新心養新德。長隨新葉起新知。張子厚詠芭蕉句也。先大父嘗取養新二字榜於讀書之堂。大昕兒時侍左右。嘗爲誦之。且示以溫故知新之旨。今年逾七十。學不加進。追惟燕翼之言。泚然汗下。加以目眊耳聾。記一忘十。問字之客不來。借書之瓻久廢。偶有咫聞。隨筆記之。自慙螢燭之光。猶賢博篋之好。題曰養新錄。不敢忘祖訓也。嘉慶四年十月。書於十駕齋。

錢辛楣先生年譜序

唐宋以來名公巨卿皆有年譜然必爵位功業道德文章炳曜一世而又克享大年則及身自爲之而無忝後學代爲之而足徵與國之史傳家之世系可互相參攷者也唐香山居士白文公自編長慶前後各集并以年譜今集中所刻出於陳伯玉李德劭之手則公自編之譜久已散佚然公之年齒官階時事出處一一見諸詩集讀其詩而年譜即在其中矣嘉定錢竹汀宮詹甫晬能言母沈太恭人指玉而二字教之試以他書指認不誤與香山之生七八月乳母抱立屏下指之無二字百試不差者正同豈非文人偉業異世相符者乎先生鍾光岳氣完之運立堯舜賡歌之廷年甫及艾養疴里門雖位止九卿功業未顯而道德文章中外仰之如泰山北斗著述之富網羅百家沾溉藝苑高麗使臣在都購其詩文集鬻諸國中與香山之日本新羅鈔寫其本者亦復相似故冀謂先生即我朝之白傅也歲在庚申獲交先生從孫直卿學博以先生年譜見示壬子以前先生自撰後十二年其曾孫又沂學博補編受而讀之知先生少壯時所親炙者先達名流而後之同年儕輩生新進皆鴻博之碩儒詞章之宗匠尙論者可想見當時國運之隆人才之盛而先生令名壽考全受全歸此又名公卿年譜中所罕覩也憶嘉慶壬戌先生重游泮水翼年十四歲不獲親瞻道範及與令孫竹孫學博同歲游泮禮宜晉謁門下而哲人已萎徒深歎慕

迄今天假之年。龍鍾未死。猶得腴頰泚筆。附名於一代大儒之譜末。是則厚幸也。夫咸豐十年陽月既望。寶山袁翼謹撰於豫章郡寓齋。時年七十有二。

錢辛楣先生年譜

曾孫慶曾校注

竹汀居士年譜手編自題

謹案公諱大昕字曉徵一字及之號辛楣又號竹汀居士姓錢氏先世鳳里公諱徵明正德間自常熟雙鳳里贊嘉定之盛涇管氏遂世居嘉定先世譜系所自遷嘉時已失不可攷鳳里公生北郊公諱浦北郊公生順郊公諱炳順郊公生侍郊公諱珠侍郊公生公瞻公諱岐是爲公曾祖

雍正六年戊申正月七日戊午戌時居士生於嘉定望仙橋河東宅。

謹案吾家自鳳里公始居盛涇再傳而析二支一居外岡一居望仙橋望仙橋鎮在縣城西十八里

先大夫年逾三十尙未得子姑夫沈組佩先生言房門不利當閉之而別啓戶焉如其言期年而居士生

謹案高祖中憲公諱桂發字芳五號小山縣學附生以公貴封奉政大夫翰林院侍讀晉贈中憲大夫詹事府少詹事著有方壺吟藁三卷享壽七十有九生於康熙三十六年至是年三十二矣

沈諱張坊新陽縣庠生居嘉定以子魁宜贈奉政大夫貴州威甯州知州

七年己酉年二歲

居士甫周歲能言母沈太恭人指玉而二字教之更以他書覆試卽指認不誤瞬日家人陳百物於

盤居士謄視良久惟取一筆。

謹案公集奉政公家傳
云甫時卽教以識字

八年庚戌 年三歲。

沈太恭人歸甯攜居士至外祖宅外祖喜其慧了引詣諸戚友家見堂上扁聯皆能成誦。

謹案公外祖沈處士諱時俊居青浦之黃渡鎮

九年辛亥 年四歲。

十年壬子 年五歲。

始從塾師曾獻若先生問字。

謹案奉政公家傳云比五歲受以經書稍暇卽與講論前代故事詳悉指示俾記憶勿忘乃止如是者殆十年曾公諱佳縣庠生中憲公業師

十一年癸丑 年六歲。

十二年甲寅 年七歲。

先大夫移居河西宅。

十三年乙卯 年八歲。

乾隆元年丙辰 年九歲。

謹案是年中憲公入學公集中憲公行述云年幾強仕始受知於學使禮部侍郎桐城張公廷璐三上秋闈不遇杜門課徒自給

二年丁巳 年十歲

大父奉政公館望仙橋楊氏卽從大父受業初學爲八股

謹案奉政公諱王炯字青文號陳人縣學生鄉飲大賓壽九十有二著有字學海珠三卷星命瑣言一卷以公貴贈奉政大夫翰林院侍讀奉政公夙精小學教以訓詁音韻公能貫通大意奉政公嘗謂此子入許鄭之室無難也

自夏至冬病疥廢學

三年戊午 年十一歲

始應童子試

謹案是年邑令爲咸甯黃公建申

四年己未 年十二歲

先大夫館外岡族父元禮齋從先大夫學

謹案外岡鎮在縣城西十二里元禮先生諱楷國學生與公同出北郊公

五年庚申 年十三歲

仍從先大夫在外岡書齋其夏復應童子試邑尊永嘉林公諱上梓面試大加獎賞揭案名在第六

先大夫攜居士謁謝公曰令子遠大之器不必欲其速售也。

六年辛酉 年十四歲

先大夫館族兄彥輝齋仍從先大夫學。

謹案彥輝先生諱焜國學生與公同出順郊公又案中憲公行述初館元禮先生齋後館彥輝先生齋皆攝公自隨晨夕督課當是時舉業家皆不習詩生徒或私作韻語則父師相詬病以爲妨於制義也中憲公獨喜教公爲詩示以唐人安章宅句之法則公之始學爲詩當在此三四年間是秋中憲公赴江甯鄉試公卽攝館

七年壬戌 年十五歲

是歲負笈入城從曹丹五先生學同筆硯者陸昌雅、李斗祥、韓萬原、徐毓洲諸君及先生之子習庵也。

謹案曹封翁諱桂芳號檀滑歲貢生習庵學士名仁虎字來殷辛巳進士陸名授詩與公同入泮少年有才早世韓名本徐名瀛秀皆縣學生公詩集有徐瀛洲讀書僧舍集杜詩相寄之作又嘗爲記芥舟山房見文集

其夏復應童子試受知於學使內閣學士劉公諱藻覆試日見居士方鬚齡別置筆硯於它所試之較原卷更佳次日復特招覆試以焉知來者之不如今也爲題試畢獎勵甚至贈以筆墨數事公嘗語人曰吾視學一載所得惟王生鳴盛錢生大昕兩人耳是時始與禮堂定交外舅虛亭先生見居士文亦以爲不凡明年始有昏姻之約

謹案劉制軍原名玉麟字素存山東荷澤人丙辰博學宏詞王封翁諱爾達字非聞歲貢生子光
早年與公齊名人稱錢王

八年癸亥年十六歲

仍假館曹氏

謹案曹翁自外岡徙居城東顏其堂曰
蓉鏡公乞假歸里時曾爲作記見文集

九年甲子年十七歲

學使開公泰科試取一等第七名

謹案開制軍字兆新號敬庵滿洲正
黃旗人甲辰進士時官兵部侍郎

是秋鄉試始與王蘭泉定交

謹案王少司寇名昶字琴德號蘭泉又號述庵公同年進士
居青浦縣之朱家角里又案是年十月公弟可廬先生生

十年乙丑年十八歲

始授徒塢城顧氏其家頗藏書案頭有資治通鑑及不全二十一史晨夕披覽始有尙論千古之志。
讀東坡戲作賈梁道詩輒援晉書以糾其失中年見浙中新刊查注蘇詩已先我言之然居十年未
弱冠考據已有與前輩闇合者矣

謹案塲城在縣城東南四十里諸生顧公我澍公亞壘也是年延
館甚家公辨正蘇詩誤以司馬懿爲司馬師見養新錄卷十六

十九年丙寅 年十九歲

仍授徒顧氏

讀李延壽南北史鈔撮故事爲南北史雋一冊

謹案家藏公手書冊子十餘幅皆節錄南北史語并記云舟中攜有此書錄出
數則以備兒輩遺忘蓋公少年篤好此書大半能成誦故取以爲傳家之學

廿二年丁卯 年二十歲

是秋應江甯鄉試同考官廣德州知州歷城曾公尙增得居士卷奇之薦主司不見售

謹案公壽邵松阿舍人七十詩云同出南豐一瓣真自
注君鄉試出長清曾公房予出曾公薦爲試官所黜

十三年戊辰 年二十一歲

四月學使尹公會一歲試取一等第六名

謹案尹公字元孚直隸博野人甲辰進士時官工部侍郎

八月祖母朱宜人歿

謹案朱宜人處士德臻公女年八十
有二中憲公恪遵家法不作佛事

十四年己巳 年二十二歲

巡撫覺羅博軒公雅爾哈善聞予名檄本縣具文送紫陽書院肄業時侍御王艮齋先生爲院長閱居士課義詩賦論策歎賞不置曰此天下才也自是課試常居第一青浦王蘭泉長洲褚鶴侶左莪及禮堂習庵皆在同舍以古學相策勵吳中老宿李客山趙飲谷惠松厓沈冠雲許子遜顧祿百亦引爲忘年交

謹案公作習庵先生墓志博軒作博亭侍御諱峻字次山常熟人甲辰進士鶴侶舍人名寅亮同年召試賜舉人左莪學士名廷璋癸未進士李布衣名果趙徵士名虹慕徵士名棟沈徵士名彤許大令名廷鑠顧上舍名詒錄惠長於公三十餘年沈長於公四十年

又案先是王少司寇肄業紫陽書院與王光祿同舍始知公幼慧善讀書有神童之目及院長詢以今日人才則以公對院長轉告巡撫巡撫喜甚招公至院試以周禮文獻通攷兩論公下筆千言於是驚異院中諸名宿莫不歛手敬之

十五年庚午年二十三歲

學使崔公紀科試一等時松江士子亦赴崑山科試因得與黃芳亭趙損之張少華吳白華凌祖錫諸君交

謹案崔副憲字君玉號南有蒲州人戊戌進士時官祭酒黃司諭名文蓮趙光祿名文哲壬午召試賜舉人以主事死金川難贈光祿寺少卿入祀昭忠祠張舍人名熙純皆上海人吳侍郎名晉欽癸未進士南匯人凌上舍名應曾亦上海人與公同應召試秋應江甯鄉試報罷

江甯翁朗夫到吳門特來訂交。

謹案翁徵士
名照號霽堂

其冬娶先妻王恭人贅居外舅宅。

謹案王恭人爲虛亭先生
幼女事詳公文集卷五十

院長良齋先生以疾辭去代之者長洲沈歸愚先生也。

謹案公詩集有用昌黎會合聯句韻送王良齋先生歸海虞之作沈文懲公諱德潛已未進士官至禮部尙書在院錄刊江左七子詩選七子者公及王光祿王少司寇吳竹嶼舍人趙損之光祿曹習庵學士黃芳亭司諭也書成風行於世賈舶有櫓至日本者其國相高棟讀而善之爲七律人贈一章寄佑以達人豔稱之以爲雞林之比

十六年辛未 年二十四歲

是歲大駕始南巡江浙吳中士子各進獻賦詩大昕進賦一篇學使番禺莊公滋圖選入一等有詔召試江甯行在欽命題蠶月條桑賦指佞草詩理學真偽論閱卷官大學士滿洲高文定公兵部侍郎休甯汪文端公刑部侍郎嘉興錢文端公擬定一等二名特賜舉人授內閣中書學習行走四月二日於揚州香草寺行宮謝恩特賜御製生秋詩石刻其秋高文定公招至清江浦公署館於荷芳書院西偏翁朗夫周讓谷莊培封皆在幕府意甚相得

謹案莊協揆諱有恭己未進士及第高公諱斌汪相國諱由敦甲辰進士錢尙書諱陳羣辛丑進士是年與公同應召試入中書者懷甯蔣公雍植全椒吳公煥長洲褚公寅亮休甯吳公志灝常進